



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

11. Quædam aliæ Quæstiones de Metu diluuntur.

urn:nbn:de:hbz:466:1-14077

nione hominum, aut secundum corpus turpe, quae sunt ferdida, vilia, & abiecta. Aristotelis ergo sensus est, virum bonum aliquando facere, aut pati turpe, id est, ferdidum opus, aut vile propter metum, hoc est, ut tyrannum occidat ob se, vel suos liberos conseruandos. Quod si obijicias Aristotelem eo loco differentiam constitutere, cum ait: Aliquando vir bonus turpe aliquid facit, aut sustinet propter metum. Aliqua tamē, inquit, sunt turpissima, quae nunquam facit, vel patitur, quale est occidere parentes, patriam prodere, sed perfringere, religionem violare. Ergo significat Aristoteles inter turpia, & in honesta, aliqua esse levia, quae metu excusantur, alia esse grauiora, quae nullo metu à peccato liberantur. Respondeo, ut dixi, nomine turpis Aristotelem intelligere quicquid virum bonum dedecet; aut quia est vile, & abiectum; aut quia opinione, vel natura sua cum praescripto recte rationis, & honestate pugnat. Item lex ante citata recte accipitur, si intellectus, seruum nihil deliquisse, qui dominio iubenti obtemperauit, nimis in his, quae solum sunt iure scripto prohibita: ita ut in his non sit seruus iure, & legibus puniendus.

Perspicuit ex dictis primo, fallam quoque esse sententiam eorum, qui docent posse quem licite mentiri metu mortis: quoniam tamen officiosum sit mendacium, quod metu mortis dicitur, mendacium tamen est: at mendacium per se semper recte rationi aduersatur. Colligitur deinde ex communi Canonici Iuris interpretum, & Theologorum doctrina, quam tradidit Augustinus lib. cora mendacium, cap. 8. nullo metu peccatum veniale esse committendum, quidquid aliqui scripsierint, quia id recte rationi repugnat, ut peccatum sit, & tamē licet sit: nam eo ipso, quod peccatum est, quantumcumque leue veniale sit, est diuina lege prohibitum. Quod si obijicias, multa, quae alioqui mala essent, aliquo casu bene fieri, veluti, ensem depositum domino repetenti negare, malum est; sic etiam alienum non restituere, peccatum est; & tamen si furiosus, vel amens petat, vel si mihi, aut alteri inde interitus immineat, iure denego depositum, aut non reddo alienum: ergo metu mortis possunt mala excusari. Respondeo, Malum in presentia accipi id, quod per se, & suę naturę conditione ex omnibus suis adiunctis malum est, ensem depositum domino repetenti denegare, non est ita per se malum, ut si aliqua circumstantia defit, sit malum: nam sicut bonum id est, quod ratio prescribit, ut fiat quando oportet, & sicut oportet, ita malum est, quod ratio vetat fieri, prout cum suis circumstantijs coniungitur. At ratio non vetat arma deposita furioso domino denegare, cum est mea, vel aliena mortis periculum. Ceterum ei, quod per se malum est, sola circumstantia metus incussum iustum excusationem asserre non potest.

Tertiodecimo queritur, An mala, quae metu geruntur sunt voluntaria; Respondeo, ex Aristotelis doctrina, quem Nemesius, Damascenus, & S. Thomas sequuntur, esse quidem partim voluntaria, & partim inuoluntaria. Id probat Aristoteles exemplo, quo communiter omnes videntur, quando quis naufragium patiatur, ne una cum alijs intereat, tuas merces iactat in mare; aut peregrinus pecu-

nias suas latroni offert, ne occidatur ab eo; aut tyranus aliquid dat metu mortis, quam ei cominatur: Tunc ait Aristoteles, huiusmodi mercium projectionem esse partim voluntariam, partim inuoluntariam, sed magis tamen voluntariam: tunc quia eligitur: at quod eligitur, est magis voluntarium: tunc quia voluntarium, immo omnis actio nominatur a fine: at qui profundit merces, id facit, ut vitam suam conseruet: vita quoque conseruatio est magis voluntaria, quam mercium; quia magis vult quicunque vitam, quam merces: Ergo proiecō mercium, ut est ad vitam tuendam necessaria, magis est voluntaria. Item qui projectat merces, ut se falum faciat, laudatur. at nemo iure laudatur nisi ob factum voluntarium. Nilominus tamen ea mercium projectione est inuoluntaria ex parte; nec enim merces iactat in mare, si naufragium passus non esset, neque vita discriberet incurrit. Quidam autem, esse pro tempore, pro loco, pro occasione dati, aut pro condizione posita, voluntariam projectionem mercium: inuoluntariam verò absoluē, & simpliciter. Id probant, quia absolute si metus mortis abesse, merces non iactarentur in mare, at verò ex metu projectantur: ergo ex conditione, & occasione metus projectio est voluntaria. Alij contra docent projectionem mercium esse absolutē, & simpliciter voluntariam: inuoluntariam verò ex conditione. Sic S. Thomas & alij Theologi. Sed reuera Aristoteles quod metu geritur, solum magis voluntarium, quam inuoluntarium esse plane docuit, & id eius ratio firmè concludit, ut dixi: & ita Nemesius, Damascenus, Eufratius, & alij communiter Aristotelem interpretantur. Quare sequitur, ut quae metu geruntur, mixta sint, ex parte nimis in voluntaria, ex parte verò inuoluntaria: magis quidem voluntaria, licet non absoluē; sed pro loco, pro tempore, pro occasione, & conditione voluntaria sint.

Cap. XI.

Quaedam aliae quæstiones de metu diluntur.

Primò queritur, An mala, quae metu mortis committuntur contrà legem aliquam humana, sive ciuilem, sive Canonicam, iustam peccati excusationem habeant. Dux sunt opiniones. **P**rima asserit, minimè excusari. Sic Adrianus, Caietanus, & forte omnes Pontificij Iuris interpretes, ut Ioan. Andreas, Hostiensis, Panormitanus, Ancharanus, Felinus, & alij. Quod probant in primis ex cap. Sacris, De ijs, quae vi, metusque causa sunt, vbi habetur, non excusari, si quis cum excommunicato sermonem, commercium ue habeat quocunque metu, & redditur ratio: quia nullo metu est mortale peccatum committendum. Deinde quia Princeps, vel Respublica potest aliquid iubere, etiam si sit periculum mortis subiungendum, ut plane constat ex militarium dictum imperij: ergo potest aliquid legi constitui, etiam cum periculo mortis coniunctum. Accedit his, quod aliqui gradus consanguinitatis, & affinitatis sunt iusta humana lege prohibiti; & tamē, si quis absq; relaxationis Ecclesiasticae beneficio

in huius-

Locis su-
præ cœpit.

Locis su-
præ addu-
ctis.

Adria. in
4. q. 3. De
clanib. in
s. exceptio-
ne. Caiet.
1. 2. q. 9. 6.
art. 4. Ca-
nonist in
c. sacris. De
ijs, que vi
metusque
causa sunt.

in huiusmodi gradibus matrimonio contracto
meru mortis vteretur coniugali copula, procul
dubio peccatum lethale committeret. Secunda
opinio assert exculsi. Ita passim sentiunt Theolo-
gici. Sot. loco citato Gabr. 4. distin. 18. q. 3. art. 3. dub. 4.
Mai. distin. 14. quæst. 4. Almai. & Med. locis supra cit.
Angel. excom. 8. num. 18. Sum. confessorum libr. 33.
tit. 33. quest. 165. Asten. lib. 7. tit. 11. art. 1. quest. 1. Rosel.
excom. 6. initio. Syluest. excom. 5. quest. 14. Tabien. ex-
comu. 8. num. 8. num. 9. & 10. & Armil. excomma. 59.
id probant. Primo quia si quis fame, & extre-
mæ inedia labore, potest cibum querere inter ho-
mines anathemate affectos. Item si quis excom-
municationis vinculo obstrictus fame ita prema-
tur, vt in extremum vitæ discrimen incurrit; pos-
sumus ei alimenta subministrare: Item si iter fac-
ciamus per prouincias eorū, qui sunt excommuni-
cationis sententia damnati, possumus ab eis
necessaria ad viçtum accipere: & loquimur de
ijs excōunicatis, quos evitare Ecclesiastica le-
ge debemus: si quis eriam in iudicium vocatus
non possit absque periculo mortis se sistere, eo
quod ei transundum sit per medios hostes, vel
latrones, nullo iure compellitur ad id faciendum
cum sua vitæ detimento. Ergo præcepta, vel le-
ges humanae non inducent obligationem cum
mortis periculo. Præterea quia præcepta obser-
vandi ieunia, vel dies sacros, & festos, nō habent
vim nos alligandi instantे mortis periculo. Po-
stre, vt Nauarrus vñā cū alijs ait in Manu. ca. 27.
n. 239. & nos suo loco fuisis trademus, qui occul-
to excommunicationis vinculo tenetur, vel est
occulta irregularitate affectus, potest tuta con-
scientia semel, aut iterum missæ sacrificium face-
re, ut manifestum, vel probabile mortis, aut no-
tabilis infamia periculum euadat. Hæc opinio
mihi verior videtur, rum propter rationes eius;
tum etiam, quia rameti præcepta, & leges hu-
manæ potestatem habent iubendi aliquid, quod
sit cum mortis periculo coiunctum, ob salutem,
& bonum commune seruandum, nō tamē semper
huiusmodi obligationis onus imponunt. Ex
quo efficitur, vt militaris Ducum imperia faci-
pe obligationem inducent cum vitæ discriminem.
Sic etiam Episcopus, peruidete in plebem peste,
potest presbyteris cum mortis periculo impera-
re, ne ex vrbe discedant, vt necessaria sacramen-
ta pereuntib. subministreret. Potest item Respubli-
ca, vel Princeps precipere, ne medici in tanto pe-
riculo ciuitatis abfiant, neve vrbe faceant: & ci-
uibus mandare, vt arma capiant imminentis ali-
quo graui hostium incursu. Et pluris faciendam
existimo S. Thom. in hac parte sententiam, quam
multorū iuris canonici doctorum, qui quodlib.
11. ar. 9. ad 3. & in addi. q. 23. ar. 3. ad. 1. secundam o-
pinionem amplectitur, & exponit id, quod habe-
tur in c. Sacris. fortassis primæ opinionis Auto-
res nihil aliud docere voluerunt, nisi oportere
nos potius necem perpeti, quam Ecclesiæ legem,
aut præceptum perfringere, si quis nobis morte
mineatur, quia vult, vt Ecclesiæ leges, & præcepta
contennamus.

Ad argumenta vero obiecta respondeo. Ad
primum guidem in cap. Sacris. ante citato, Ide.
Pontifex negat metum mortis iustam excusationem
afferre; quoniam coniunctus, & societas era;

cum excommunicato in crimine, ob quod excō-
municationis vinculo costrictus tenebatur, quod
non est peccatum contra legem humanam, sed
naturalē; & quia eiusmodi cum excommunicato
commercialē erat cum cōemptu Ecclesiastica
censuræ: veluti, si tyrannus mihi mortem
comminetur, nisi ieunium soluam, aut nisi car-
nes prohibitas comedam ob contemptum Ecclæ-
siae; tunc debeo potius mortem perferre, quā Ec-
clæs præceptum violare: non quia sit præceptū
humanum, sed quia contemptus Ecclæs est pec-
catum, quod cōtra legem naturalē, & diuinam
admittitur. Ad secundum Respondeo, posse
Rempublicam, & Ecclesiam aliquid iubere cum
mortis periculo coniunctum ob salutem com-
munem; non tamē ita seuerè imperat in alijs
causis, vt ante iam diximus. Quare res certa non
est, quam vt certam camen, ac indubitatam Cai-
tanus proponit. Si tyrannus aliquis imperet sa-
cerdoti, vt Missæ sacrificium faciat, & offerat si-
ne linteis corporalibus, aut sine libro continen-
te canonem, sine altari, sine lumine, aut sine ve-
stib. sacris: sin minus certo illi esse moriendum.
Certè si id iubeat ob Ecclæs contemptum, mors
est eligenda, & sustinenda: si verò ob contem-
ptum non faciat, non est obligatio cum vita pe-
riculo: nam huiusmodi Caietani sententiam du-
ram satis esse ait Nauarrus in Manuali, cap. 25. nu. 48.
certè Caietanus, nihil aliud voluisse videtur, nisi
eiusmodi sacerdotem potius mortem pati debe-
re, quā sic iussum sacrificare, quoniam qui id iu-
beret, præcipere videretur, vt Ecclæs canones,
leges, præcepta, & iura despicerentur, & idem
iuris esse puto, si quis metu mortis imperarer, vt
sacerdos Missæ sacrificium faceret coram aliquo
qui esset notorius excommunicationis vinculo ob-
strictus, id enim facere videretur, vt Ecclæs præ-
ceptum, & auctoritas negligeretur. Ad tertium
Respondeo interim dum gradus coiunctus
vel affinitatis prohibiti sunt, nullum esse ma-
trimonium contractum; & ideo accessus ad fœ-
minam est in culpa, & vitio; non enim res cum v-
xore, sed cum scorto habetur, quod est peccatum
non cum lege Ecclesiastica pugnans, sed cum na-
turali: quo circā nullus metus mortis potest iu-
stam excusationem dare.

Secundò queritur, An metu mortis cadente in
constantia virum mala, quæ committuntur con-
tra legem diuinam scriptam, quam nominant
positivam, excusentur. Circa hoc sunt duæ etiam
opiniones: nam auctores, qui in quaestione præ-
cedenti primam opinionem fecuti sunt, in hac
etiam censem nequaquam excusari: immò etiam
Ocham, Gabriel, & Maior, qui sequuntur secun-
dam sententiam, in hac idem sentiunt, quod ce-
teri huius primæ opinionis auctores. Ratio hu-
ius sententiae est, quia maiorem vim habet lex
diuina quam humana: sed quæ sunt contra le-
gem humanam metu mortis, minime excusantur;
ergo multo minus quæ sunt contra legem diuinā. Auctores verò secundæ opinionis putant
etiam metu mortis excusari, quæ admittuntur
contra legem diuinam scriptam, aut solo Dei
nutu constitutam.

In hac re Primò dicendum puto, s̄p̄ excusa-
ri mala, quæ metu mortis faciliuntur contra

legem

N

Cai. 1. 2. 9.
96. 4. 4.

*t. Reg. 27.
Matth. 12.
Leuit. 24.
Deut. 28.
1. Mach. 2.
Iosif. 5.*

legem diuinam scriptam. Nam David, ne vñā cum suis fame periret, panes propositionis coedit, quod alioqui erat laicis diuina lege interdictum: atque hoc Davidis factum Christus Dominus minimè condemnat. Marthathias item, exercitu collecto, & instructo, pugnauit contra hostes sabbato, necessitate compulsus. Constat præterea ex sacris literis, Hebreos circumcisio nem omisisse toto quadraginta annorum tempore, quo sunt peregrinati per solitudinem, à qua abstinuerunt eam ob causam, ne ingrauescent vulneris dolore in via, aut mortis periculum incurrenter, aut no coepro ab itinere tam laborioso, & tam diurno retardarentur & impediendur. Deinde quotiescumq; violatio diuinæ legis, aut est cum contemptu fidei, & religionis; aut est cum detimento, & offensione aliorum; tunc nullus metus mortis excusat: & hac ratione mortem subiere Machabæi illi fratres intrepidi & iauitati, quia ob contemptu diuinæ legis, ad suilæ, Leuit. 11. Deut. 14. carnis eum impio rege adiebanter. Tertiò, quandocumque ob salutem, & bonum aliorum necesse est præcepta diuinæ legis implere, tunc etiā nullus metus mortis excusationem habet. Et ideo peste preiente, ne aquafagio, vel bello, vel fame premente nequam excusantur episcopi, vel presbyteri si metu mortis greges sibi commissios destituant. Item si vita parvulus periclitetur, nec sit alius, qui posse ei baptismu cōferre, debet illum sacra baptismati vnde luftrare, etiam si alius mihi perniciem, & interitum comminetur, ne parvulus sine baptismate decadens condemnetur. Quarto, sepe præcepta diuina obire, & seruare debemus etiam cum periculo mortis, quando id est necessarium remedium ad salutem propriam: veluti si diuinum præceptum confitendi peccata, vel Baptismu suscipiendi instet, suscipere ipso iure cogor, quamvis mihi tyrannus mortem minicerit: quia huiusmodi sacramenta sunt diuinitus instituta, & præcepta, ut necessaria ad salutem sempiternam. Quod si obijcas, metu mortis virgente satis esse si votum habeamus ea sacramenta sumendi: quia haec sacramenta vel re, vel voto percepta salutem afferunt; Respondeo, Nobis minime constare nostram cordis pœnitentiam, quæ extra sacramenta est ad salutem necessaria, & ideo cum de ea dubitemus, cogimur sacramenta suscipere, quæ ex institutione Christi vim habent gratiam conferendi, quæ expurgemur à foribus peccatorum, & ad diuinam amicitiam reuocemur.

*Med. 1. 2.
q. 6. art. 6.
ad finem.*

Tertiò queritur, An metu mortis liberemur ab obligatione bonorum, quæ altoqui iure naturali, vel diuino sancto, & icripto prestare debemus? Respondet aliqui liberari nos, quod probant duplicitate ratione. Primum, quia nos metus mortis excusatione iusta defendit, si peccantem non corripiamus, aut si alteri grauter laboranti non succurramus. Item obligatio restituendi alienum in tempus disertur, si in restituendo mortis periculum incurramus. Iusfrandum ite, & votum à nobis emissum nos minimè tenent, & ligant cum periculo mortis, & tamē iurius est naturalis vota, & iusfrandum, & cetera promissa perfoluere. Sed reuera dicendum est, nos metu

mortis ab huiusmodi bonorum obligatione non liberari, quia vt ante dictū est, huiusmodi leges, iura, & præcepta nos tenent, vbi, quando, & sic oportet, hoc est positis omnib. circumstantijs adiunctis, quas recta ratio præscribit. Vota autem, & iusfrandum, & ceteræ leges, quæ obiciuntur, non alligant nos vi iuris naturalis cum propria vitate discrimine: in ipsa enim iuris naturalis obligatione intelligitur hoc discrimen exceptum. quare nihil est, quod peculiarem quis difficultatem nobis in his præceptis potius, quam in alijs faciat, & ingerat.

Quartò queritur, An votum faciūm, vel iusfrādū emissum in naufragio, peste, bello, morbo, vel alijs huius generis periculis, habeat vim nos alligandi, cum metu mortis imminentis iuramus, vel vovemus. Respondeo, ex communisententia Theologorum, iuris Canonici Doctorum, Summi starum, oī inibus huiusmodi votis, & iusfrādi vinculis vim inesse, qua obligamus nos Deo: quia non est metus ab homine incusus; sed ex causis naturalibus ordine à Deo constituto agentib. proueniens. Idem iurius est, si votum fiat ex concepto metu Dei, aut metu gehennæ, aut metu ne æternā beatitudinem amitteramus; hic enim metus diuinitus speciali auxilio nobis immittitur ad hoc, vt virtutis officium præstems. Abb. in c. 2. de renunt. &c. 2. De ijs, que vi, meūsue causa. Couarr. de matrimonio p. 2. c. 3. §. 4. n. 16. Syluest. Votum. 2. q. 12. & colligitur ex c. 2. de Regularibus.

Quintò queritur, An promissa, vel pacta, vel obligationes, vel contractus metu in virum constantem cadente facti valeant; De hac re tractant Glossa, & Ioan. Andreas, Panormitanus, Anchranus, Antonius Butrius, & alij canonici iuris interpretates in cap. Abbas, De ijs, que vi, meūsue causa sunt. Angelus Sylvester, & alij Summilla in verbo Meūs. Hostiensis in summa, Tit. de ijs, que vi, meūsue causa sunt; Theologi, S. Thomas, Richardus, Scetus, Paludanus, Almainus, Maior, Sotus in 4. Diff. 29. Couarruias de sponsalibus, & Matrimonio par. 2. cap. 3. §. 5. Ex quibus auctoribus colligitur octo, vel nouem esse ea, que eò quod metu in virum constantem cadente geruntur, sunt ipso iure infirma, & irrita. Primum est matrimonium metu contractum, cap. Venient. 2. & cap. Cum locum, & cap. Confirmation, De sponsalibus. Ac licet Cardinalis assertat, hoc iure non probari; quoniam putat matrimonium metu contractum esse ratum, & firmum; sed auctoritate Ecclesie esse rescindendum: verius tamen est quod tradit Panormitanus communis consensu receptus, ex iure plane colligi nullum esse matrimonium, metu vxore suscepita. Hoc enim deducitur ex cap. significavit, de eo qui duxit vxorem, quam corruperat per adulterium, vbi ei, qui metu primum matrimonium contraxerat, conceditur libera facultas ad aliud matrimonium transeundi, quæ facultas reuera dari non posset, si primum matrimonium metu iniustum valuerit.

Sextò queritur, Quo iure, num diuino, aut naturali, vel gentium, an solum canonico matrimonium metu contractum sit irritum; Respondeo cōmuni Theologorum cōsensu refutari sententiam quorundam afferentium matrimonium huiusmodi esse ratum, sed ab Ecclesia dissolui,

quo-

Card. in.
Abbas, de
his, que vi
metu ve
causa.

quoniam probabiliter credit in eo non fuisse consensum ex parte eius, qui metu coactus matrimonium iniuit. Dux itaq; circa hoc sunt opiniones. Prima docet esse irritum iure diuino seu gentium & naturali; quia metus pugnat cum natura matrimonij, matrimonium enim ex sua institutione, & natura est perpetuum, & indissoluble: ergo exigit plenam libertatem, quam minuit magna ex parte formido. Sic Scotus, S. Thom. Richard. Gabriel. supplementum. Secunda opinio tradit, matrimonium metu contractum iure tantum Ecclesiastico irritum esse. Palaudanus, Durandus, Major, Almainus, & Sotus probant triplici ratione. Primo quia quod metu geritur, est simpliciter voluntarium: sed in matrimonio sufficit consensus verbi expressis. Deinde, quia cetera, quae iure ipso sunt irrita, eo quod metu gesta sunt, solum sunt irrita iure Ecclesiastico; ergo & matrimonium: Praterea, quia metus quicunque, etiam leuis minor, & destrahit aliqua ex parte libertatem, & tamen omnes conueniunt, ex leui metu contractum valere: ergo iure Ecclesiastico effectum est, ut nullum sit matrimonium iusto metu celebratum, & initum. Hac opinio est verior, quam probant & firmant rationes allatae. Et quia differentia, quia metus distinguitur in leuem, & grauem, ac iustum, ut grauius metus pacta, contractus, & promissiones dissoluer, leuis non item, ex iure Ecclesiastico nata est: quoniam multa alia sunt, quae ex metu graui, & iusto geruntur, & nihilominus valent, quia iure Ecclesiastico non dirimuntur. Et profeclò primæ opinionis Autores solum voluisse existimo, iure optimo Ecclesiam, Principem, vel Rem publicā legem statuere posse, quia fiat irritum eiusmodi matrimonium, qualis lex codi potest apud paganos, & alios, qui sunt à fide, & Religione Christiana alieni.

Septimò Quæritur etiam inter Doctores, An sponsalia metu iusto facta, sint irrita; In hoc communis est sententia Pontifici juris interpretum, Summi starum, & Theologorum, esse irrita iure Ecclesiastico; & hoc ob bonum commune conjugi, ut ex perfecta libertate nuptiæ coniungantur.

Secundus Casus, in quo res, quæ metu iusto geritur, ipso iure non valet, est in dote: nam dos, siue promissa, siue soluta, metu in virum confitente cadente, nullam vim habet. l. Si mulier, s. Si dos ff. De eo, quod metus causa gestum est. Tertius Casus est in iurisdictione: nam iurisdictione metu collata non transfertur l. 2. ff. De iudicis. Rursus, quando metu prorogatio, non valet prorogatio, ut in eadem lege. vnde electio Prelati metu facta vim non habet, ut in cap. Vbi periculum s. Ceterum, De electione in 6. Quartò Nulla est auctoritas tutorum metu extorta. l. 1. s. Ultim. ff. De auctoritate tutorum. Quintò Nulla est per metum obtenta absolutio ab excommunicatione, suspensione, vel interdicto. Item nulla est reuocatio huiusmodi censu rarum, metu facta, cap. 1. De ijs, quæ vi metusue causa fuit in 6. Sextò Testes in testamento metu adhibiti, vel detenti, ipso iure testificandi vi, & auctoritate carent. l. Qui testamentum ff. De testamento. Septimo Votum metu factum ipso iure est irritum. cap. Perlatum, De ijs, quæ vi, metusue causa fuit: qua-

re si quis vi, aut metu mortis adactus, sacris ordinibus initia retur, aut Religionis institutum proficeretur; castitatis, aut religionis voto minimè teneretur. Sol. 4. d. 25. q. 1. a. 2. Paluda 4. d. 25. quæst. 3. Octauò Cum quis in carcere detinatur, aut detinetur metu in virum fortem cadente, omnis promissio, vel obligatio facta in gratiam eius, qui coniecit in carcere aut detinet, ipso iure est irrita. l. Qui in carcere ff. De eo, quod metus causa gestum est. Non, Omnis eleemosyna, & quæcunque donatio metu extorta, rata, & firma non est: quia suapte natura postulat donatio, ut gratis, & liberaliter fiat.

Octauò queritur, An sententia metu lata sit ipso iure irrita. Hostiensis censet, nullam esse sententiam, quæ metu fertur. Sed verius est oppositum, quod communiter docet Glossa, Archidiaconus, Panormitanus.

Non Quæritur, Au abdicatione beneficij metu facta valeat; Antonius Butrius sentit, ipso iure non valere, quamus interueniat superioris consensus, sic etiam quidam alii. Sed verius est, eam ratam esse, & firmam, ut pleriq; docent, Innocentius, Glossa, & Panormitanus, Romanus: ut apud Panormitanus, qui alios refert, legimus: posse tamen repeti restitucionem actione, Quod metus causa, & fit restitutio in pristinum ius sine noua ipsius beneficij imperatione, licet fuerit titulus amissus, ut docet Panormitanus.

Decimò Quæritur, An constitutio Procuratoris ad causas, vel negotia metu extorta ipso iure sit irrita; Hostiensis negat, eam ratam esse; sed Panormitanus, Romanus, & alii communis consensu affirmant, valere, posse tamen reuocari actione, Quod metu causa. Couarruias tamē opinionem communem restringit, dicens Constitutionem Procuratoris metu facti ad matrimonium contrahendum, esse irritam, sed hoc nullo iure corroborat.

Vndecimò Quæritur, An electio, quæ non certa persona eligitur, sed una incerta ex certo genere personarum, ut puta ex cerro Collegio Canonorum vel Regularium, si per metum fiat, ipso iure sit irrita. Communis est opinio, quando certa persona eligitur, & electio est metu extorta, eam non valere, quia per electionem iurisdictione conferunt, & iurisdictione metu obtenta non valet, ut dixi: At vero quando electores metu non coguntur certam personam, diligere, sed unam ex certo genere personarum, tunc electionem esse firmam, quia substantia electionis est libera, cum liberè possit eligi haec, aut illa persona. Sic Panormitanus communis consensu receptus in c. cum iera. de elec. Feli. & alij, quos citat Couarruias in 4. p. 2. c. 3. s. 5. n. 8. Quid si electio sit futura inter duos, & metu cogatur electores alterutrum ex illis eligere? Romanus, quem Couarruias citat, ait nullam esse electionem. Sed verius est, quod ait Couarruias, electionem valere: nam sufficit, si inter duos sit futura, & enim ipso fit libera electio.

Hinc perspicuit, quid sit iudicandum, quando ciuitas exercitu militum obfessa, vel à tyranno compulsa deligit & creat magistratus. Si enim metu coguntur certam personam diligere, electio non valet. Si vero solum compellatur

Hostiensis loco citato.
Glossa &
Panormit.
locis præci-
tatis.

�

vnum

*Conar. in
4. p. 2. c. 3.
6. 5. nn. 8.*

*Loci su-
pracitatis.*

vnum ex certo genere personarum eligere, elec-
tio est rata & firma. Si tamen quæras an si Titius
metu cogatur vxorem ducere, non quidem cer-
tam filiam Caij, sed alteram ex duabus, huius-
modi matrimonium tanquam metu contractum
sit irritum, an vero tanquam liberè factum, sicuti
de electione simili diximus, vires habeat? Co-
uarruia sentit, nullum esse huiusmodi matri-
monium, quia est per metum extortum, & prob-
bat auctoritate Bartholi, Baldi, Decij, Philippi,
quos ipse citat. Sed certè sicut ex communis opinione electio metu facta non certe personæ, sed
vnius ex certo genere personarum valet: Sic etiam
videtur firmum esse matrimonium, quando
metu solum est, vt vxor accipiat vna de mul-
tis filiis Caij: & ita sentit teste Couarruia,
Abbas, Felinus, Imola, Iason, & alij quos refert.

Duodecim^o Quæritur, An iusfirandum metu
extortum, quo alteri aliquid promittitur, valeat; Respondeo, Ex communis sententia Pontificij juris Doctorum, & Theologorum, valere: vi-
docent Abbas, Archidiaconus, Salicetus, Syllester, & An-
gelus, Caetanus, & Sotus, & colligitur ex e. Debitorum, c. Si
vero, & cap. Verum, De iurefirando. Is qui iurefirando
promittit latroni pecunias, ne occidatur ab
eo, debet iusfirandum seruare, & promissum ex
oluere, nisi eius absolutionem impetrat ab Ec-
clesia: aut is, cui aliquid est iurefirando promis-
sum, illud remittat. Item qui iurefirando pro-
mittit vñrarum solucionem compellitur iurefirando
religione ad vñras soluendas, aut debet
iurifirandi relaxationem ad Ecclesiam impetra-
re. Obijcias forsitan, simplex promissio homini
metu facta non valeat, ergo nec iusfirandum,
quod simplicem promissionem confirmat: nam
quod vires non habet, non potest iurefirando
confirmari. Respondeo, Promissio iurefirando
firmata esse soluendam, quotiescumque
seruari potest absque iactura salutis æternae, ne
fiat iniuria Deo, per quem tanquam per teſtem
iuramus. Nec ex hoc conficitur, vt iusfirandum
eam simplicem promissionem metu factam cor-
roboret, quæ nulla sit iure diuino vel naturali,
sed eam tantum, quæ iure ciuilis vel canonico ir-
rita sit: simplex enim latroni, tyranno, aut vñ-
rario facta promissio iure quidem naturali, aut
diuino valeat, non enim malum est promittere, aut
promissum latroni soluere: nam eti latro vel vñ-
rarius, qui merum incusit, & pecunias extor-
tit refutare iure cogitur, ego tamen, qui metu
iurau, solum debo soluere quod iurefirando
promisi, aut iurifirandi relaxationem obtinere:
iure igitur humano simplex promissio latroni
facta recinditur, & irrita sit, iurefirando firma-
ta non item. Ex quo efficitur, vt in his minime lo-
cum habeat Regula Iuris in cap. Accessorium, De
Regulis iuris in 6. & in 1. Cum principalis, & in
1. Nihil dolo, §. Cum principalis, ff. De Regulis
iuris, quibus in locis habetur; Id, quod accedit
rei, semper sequi conditionem, & naturam prin-
cipialis. Ut si alij cui matrimonij causa committa-
tur, eo ipso committitur etiam causa dotis, quia
dos matrimonio accedit, nec sine eo potest con-
sistere. At vero huiusmodi Regula iuris vim, &
locum non habet in præsentia: quia simplex pro-
missio, cui iusfirandum accedit, fit homini, &

cum metus ab homine inferatur contra bonos
mores, in poenam latronis, tyranni, vel vñrarii
iure humano sit irrita, quoniam extorquet eam
latro, siue tyrannus turpiter contra bonos mo-
res: attamen iusfirandum, quod accedit simplici
promissio fit Deo; Deus autem iusfirandum si-
bi delatum nec extorquet, neque accipit turpiter,
neque contra bonos mores: & ideo iusfirandum
vim habet, quoniam illud Ecclesiastico iure irri-
tum factum non est, licet simplex promissio non
valeat, vt pro qua iure scripto irrita, & inanis
effecta est.

Tertiodecim^o Quæritur, An matrimonium
per metum initum, & iurefirando confirmatum
valeat; Abbas, & alij, quos refert Couarruia,
videntur sentire idem iuris esse de matri-
monio per metum contracto, & iusfirandi vin-
culo, & nexu munito, quod est de simplici pro-
missio per metum iurefirando confirmato: qua-
re iuxta horum sententiam, sicut peregrinus, qui
metu latroni promisit, & iuravit, se pecunias ei-
daturum, ante absolutionem iusfirandi ipso
iure compellitur ad implendum, quamvis pro-
missum non valeat: sic etiam, qui metu matri-
monium iuravit, debet ante relaxationem iusfir-
andum seruare, quamvis nullam vim matrimonii
habeat: Et iuxta hunc sensum interpretantur
prædicti auctores id, quod habetur ex Augu-
stino in cap. Inter cetera 22. quæst. 4. vbi matri-
monium metu contractum, sed iurefirando mu-
nitum firmum esse, docere viderur Augustinus.
Sed communis est omnium Canonici Iuris in-
terpretum, Summi starum, & Theologorum sen-
tentia, non solum matrimonium non valere metu,
ita vt diximus, contractum, sed nec iusfir-
andi religione sic iurantem obstringi. Quare
is, qui metu matrimonium iuravit, etiam ante
iusfirandi relaxationem, potest liberè ad se-
cundum matrimonium transire. Quid si obij-
cias, Matrimonium esse sacramentum, & Eccle-
siam non habere potestatem sacramenta iurita
faciendi. Respondeo; licet Scotus, & Richardus
doceant, matrimonium huiusmodi esse irritum
iure diuino; verius tamen est, quod canonici iuri-
s Doctoris, & alij Theologi tradunt, iure so-
lum Ecclesiastico, & ciuili esse inutile, & inane,
& Ecclesiæ habere ius, & facultatem legem
constituendi, qua decernat nulla esse huiusmodi
matrimonia. Nam eti Matrimonium est sacra-
mentum, nihilominus tamen est contractus qui-
dam manus, & ciuilis ex iure naturali origi-
nem habens, & catenus est Ecclesiæ auctoritati
subiectus. Si secundò obijcias, alia sacramenta,
vt Baptismum, Confirmationem, & Ordinem, et
iam metu suscepta valere, ergo & Matrimonium.
Respondeo, esse diuersam rationem, quia in alijs
Ecclesiæ non habet auctoritatem ad decernen-
dum, vt suscepta non valeant, quoniam ex Chri-
sti institutione suam vim habent ex certa mate-
ria, & forma conslata, quæ Ecclesia mutare non
potest: at Matrimonium non habet vim, nisi sit
contractus humanus; Contractus vero humanus
firmus non est, nisi iuxta Principum leges, & iu-
ra celebretur. Si tertio obijcias id, quod habe-
tur in cap. Inter cetera 22. quæst. 4. Matrimonium
valere metu contractum, sed iurefirando firma-
tum.

*Sot. 3. difft.
29. q. 1. n. 2.
Rich. 4. d.
29. a. 2. q. 1.
& Sot. Le-
definius.
Victoria
eam opinio
nem pro-
babile esse
sentiant.*

tum. Respondeo, Glossam, & Panormitanum, Sotum, Couarruiam, & alios variè decretum illud interpretari. Sed mihi probabilius videtur id, quod ait Maior, tempore Augustini, cuius est id, quod in eo capite traditur, aut non esse editam Ecclesiae constitutionem, qua nulla esse huiusmodi matrimonia institutum est, aut saltem nodum esse more, & vsu recepta. Sed quid si aliquis metu mortis non solum coniugium inire cogatur, sed etiam perficere, & consummare. Respondeo cum Scoto, Richardo, & alijs antiquis Theologis, quidquid dixerint quidam iuniores, eum potius mortem subire debere, quam matrimonium consummare, quoniam cum matrimonium sit irrematum coitus esset nefarius, at quod per se turpe est, metu mortis licet non sit.

Decimoquarto queritur, An idem iuris sit de sponsalibus metu contractis, & iurejurando firmatis, quod diximus esse de matrimonio; Respondeo, ex communi omnium sententia idem iuris est.

Decimoquinto queritur, quid sit dicendum de ceteris pactis, promissionibus, & contractibus metu iusto factis; Respondeo, ea valere tum in foro interiori, tum in foro iudiciali. Venditio igitur, vel emplio metu facta, iusto tamen pretio, firma est: pari modo permuratio, locatio, initia societas, comodatum. At vero in iudicio quando haec sunt metu in constantem virum cadente, datur actio, vel exceptio, quae dicitur, Quod metus causa. Actio quidem post traditionem, & solutionem rei, qua repetitur quod datum, vel solutum est, & qui accepit, reddere cogitur: exceptio vero datur in promissionibus ante traditionem rei, qua is, qui promisit, vel se alteri obligavit, excipit, si id metu fecisse, petitque se ob id liberari ab obligatione fidei data, atque pro missa.

Decimosexto queritur, An, quando aliquid gestum est metu leui in virum constantem non cadete, valeat. Iuris ciuilis, & canonici interpretes respondent secundum canones, & leges in viuierium, quicquid metu leui gestum est, vel datum, aut acceptum, non solum valere, sed etiam in iudicio non relincki per actionem, vel exceptionem. Quod metus causa, ut constat ex l. Vani timoris, ff. De Regis, Iuris, & l. Metum, ff. De eo, quod metus causa. Sed Sylvestris, & Angelus, & Theologi communis cōfensu docent in foro interiori vim non habere, id quod donatum est metu leui, quamvis aliae promissiones, obligations, & contractus valent. Eorum ratio est, quia donatio natura sua postulat, ut fiat gratis, & liberaliter: cui liberalitati repugnat metus etiam minimus. quid si verum est, sequitur, ut remissio debite pecunia, eleemosynæ elargitio, legatum, vel testamentum rata & firma non sint, si metus etiam lenis intercedat, quia in horum singulis est quædam donatio gratuita, & liberalis. Cæterum in haec re arbitror distinguendum. In foro enim interiori vindendum est, an metus leuis fuerit finis, cuius gratia donatio fieret, sed non sequitur citò ac faciliter: ut metus non fuerit causa, qua donaretur aliquid, sed vt citius, & faciliter donaretur. Quando igitur mens leuis fuerit finis, cuius causa donatio fit, nulla est in foro interiori donatio: quando vero fuerit causa impellens, aut mouens, donatione vim habet.

dem donatio fieret, sed non sequitur citò ac faciliter: ut metus non fuerit causa, qua donaretur aliquid, sed vt citius, & faciliter donaretur. Quando igitur mens leuis fuerit finis, cuius causa donatio fit, nulla est in foro interiori donatio: quando vero fuerit causa impellens, aut mouens, donatione vim habet.

Decimo septimo queritur, An, si metus solum sit reuerentia, vt vocant, hoc est is, quo aliquis alium reueretur, valeat, quod eo metu factum est, promissum, datum, vel acceptum: vt si patronus accipiat aliquid sibi datum à liberto metu, quo eum reueretur; si filius ob sui patris metum se obligauerit ad soluendum de suo ex alienum pro patre: si clericus non rescindit ac dirimit abdicationem beneficij, ob reuerentiam aduersus Episcopum: si vxor ob reuerentiam in virum non contradicit venditioni, alienationi, vel abdicationi iuris hypothecæ: si subiectus alteri, ob reuerentiam in ipsum se ad aliquid obstrinxit. Iuris ciuilis, & canonici interpretes generatim docent, quæ huiusmodi metu geruntur, valere, nec in iudicio rescindi actione, vel exceptione. Quod metus causa, nisi vna cum metu minima, aut verberra interueniant. Ceterum quicquid sit de foro iudiciali, saltem in foro interiori distinguendum est. Si enim sermo sit de metu, quo quis alium reueretur, qui est in donationibus, tunc si metus sit solum causa impellens, aut mouens, tuta conscientia donationes vim habent, quia metus solum est causa, vt citius & faciliter donationes sicut non tamen, ut simpliciter sicut. Si vero sit causa, qui est finis, non sunt in foro interiori rate, ac firme donationes, quia donatio per se gratis, & liberaliter fieri debet. Ceteri vero contractus, qui donationes non sunt, tuta conscientia valent, siue sicut meru, qui sit causa impellens, aut mouens, siue finis, cuius gratia res sit.

Decimo octavo queritur, An is, qui facit aliquid per metum, consentire censetur, si postea ex intervallo temporis taceat. Respondeo, ex Innocentio, & Glossa, non censeri consentientem, nisi ex intervallo temporis efficiat aliquid, quo id, quod metu geslerat, firmum, & ratum habere iudicetur, veluti si sponsa, qua metu nupferat, postea cum viro iponte habitet, & vivat, aut ab ipso debitum exigat, aut reddit petenti.

Vltimo queritur, An ea, que metu exorta sunt, restitui debentur. Respondeo, fix his, quæ haec metu dicta sunt, colligi posse, quid sit de restitutione dicendum. Nam si accepta sunt donatione metu facta, restitui tacita conscientia debent: si vero accepta sunt vi contractus alterius secundum Dei forum non sunt restituenda, nisi contractus dissoluantur actione, vel exceptione. Quod metus causa: vel iudicis officio, & auctoritate.

Cap. XII.

De ignorantia, qua voluntarium auferitur.

DOCTRINÆ Aristoteles, 3. Ethic. cap. 1. & post eum Nemesius, Damascenus, & S. Thom. & communiter omnes, tum ciuiles, & canonici Doctores, tum Sunmister, & Theologi, per ignorantiam, aut tolli ex toto, aut minui ex parte vo-

Innocent.
Glossa
locis supra
citatæ.

Nyff. lib 5.
de homine
cap. 1. Da-
male. li. 2.
defide Or.
tho. ca. 24.